



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

Cap. XXII. Quo signo Fideles tempore persecutionis ad synaxim convocarentur. Rejicitur quorumdam opinio. Reddita pace publica signa instituta & quae. Lignorum usus apud Graecos, quae Semanteria ...

**urn:nbn:de:hbz:466:1-10805**

canonem, ne quis præsumeret ante horam tertiam Missam celebrare, non licet ait hanc regulam transgredi, nisi urgente necessitate: tum narrat, se vidisse Leonem Papam, tertium scilicet, diluculò celebrasse. Vidi, inquit, Leonem Apostolicum diluculò celebrare ad Missam, nescio utrum causâ necessitatis intercedente hoc ageret, an sola posestate. Hanc verò temporis perversiōem non probat, Fulget enim, ait, potestas ratione decorata. Sed Amalarius de summo Pontifice vita sanctitate conspicuo benignius loqui potuisset; ex eius tamen zelo dignoscimus, legem sive consuetudinem non celebrandi, etiam privatim, ante horam tertiam eo tunc rigore servatam, ut ab illa nemo potuerit sine aliorum admiratione & censure deviare.

## CAPUT XXII.

*Quo signo fideles tempore persecutoris ad Synaxim convocarentur. Rejiciunt quorundam opiniones. Reddit a pace, publica signa instituta & quo. Lignorum iusus apud Grecos, que semantaria dicuntur. A quo invento campane. An à Paulino Episcopo Nolano. De veterum tintinnabulis. Campanae nomen, iusque etymologis. Quandocepit Ecclesia campanis uti. Ad quem spectat campanas pulsare. De campanis Religiosorum.*

I. **O**Ritur hæc disquisitio ex superiori, estque ejus veluti appendix; quamvis enim sacra Synaxi certa fuerit hora destinata, quia tamē difficile potuit credentium multitudo & statu, sexu, conditione diversa, & habitatione ac loco diffidens, statim horis in Ecclesia adunari; credibile est aliquod signum antecessisse, quo omnes in unum cogerentur. Quale autem hoc fuerit, conjicere quidem possumus, sed non certò definire. Amalarius lib. 4. de div. off. cap. 21. lignorum sonitu Christianum populum congregatum ait, quando latitabat per cryptas propter persecutores. Non assentitur Amalario Baronius an. 58. num. 108. & merito: tum quia hujus rei nullum extat antiquum monumenum: tum etiam quia ratio ipsa non patitur, ut eo tempore, quo abdita loca ad convenientium studiofissime quererant, eo lignorum strepitu se proderent, & ad necem sibi inferendam Gentiles provocarent. Verisimilior videtur Strabonis conjectura

cap. 5. de rebus ecclesi. quod nimis sola devotio aliquos cogeret ad statutas horas concurre; aliū prænunciationibus publicis invitarentur, & in una solemnitate proximè futuras discerent. Sed haec referre ad nascentis Ecclesiæ tempora difficillimum est, nam vexati fideles acerbissimis gentium persecutionibus, s̄pē locum mutare, eumq; abditiissimum nec inventu facilem quærere cogebantur, unde nec solo religiosis studio convenire poterant, nec in uno conventu alterius præmonteri. Baronius ibidem num. 102. viros quosdam delectos arbitratur, qui cursores dicerentur, quorum munus esset singulos fideles perquirere, & privatum monere quando & quo loco convenire deberent. Ut autem probet hanc opinionem, nullum illorum temporum testimonium profert, præter Ignatii epistolam ad Polycarpum ita scribentis: *Decet, Beatisse Polycarpe, concilium cogere sacrostantum, & eligere si quem vehementer dilectum habetis & impigrum, ut possit divinus appellari cursor, & hujusmodi creare, ut in Syriam profectus laudibus celebret impigram charitatem vestram ad gloriam Dei.* Hac sola auctoritate fretus id astruit Baronius, cui ne assentiar ipsam cogit epistola, quæ si attente legatur, non de Cursore loquitur, qui Synaxim indicaret, sed de Legato qui mittendus erat in Syriam ad Antiochenos: unde circa finem ait, *Salito eum qui designandus est, ut mitteatur in Syriam.* Addo quod hanc epistolam non genuinum Ignatii fecit esse, sed suppositum viri eruditii dudum observarunt, & ad id probandum multa afferunt non parvi ponderis argumenta. Quod si aliqua fides illi præstanda fit, potior apud me erit alia Baronii sententia, iussu nimis Episcopi unumquemque secretò convocatum. Hoc vero colligit ex his verbis ejusdem epistolæ: *Crebrius celebrentur conventus, nominatim omnes inquire, servos & ancillas ne fidicias.* At nutante fundamento firmum & fiducium superstrui nequit. Fieri sic potuit, & fortassis sic factum est; sed nullum producere testem possumus, qui id factum asseveret. Aliquam sane tesseram sive signum fuisse, quo Christiani & se mutuo agnoscerent, & loca scirent at tempora synaxeos peragendas, certa fidei res est; sed quale hoc signum fuerit, ignoramus. In actis S. Cæciliae dicitur Valerianus S. Urbanum Pontificem reperisse, qui ad vitandas paganorum infidias latet, *signo quod acceperat, quodque omnino necessarium erat, ut mutua inter fideles societas, atque germanitas conservaretur.*

Hh 3

II. Con-

II. Converso ad fidem Constantino, cum pace & tranquillitate potiri coepit Ecclesia, summa pietas Imperatoris, & Christianorum alacritas, quam describit Eusebius testis oculatus initio libri 10. sue historie, nos dubitare non sinit, quin publicis signis, quae ab omnibus percipientur, populus ad Ecclesiam coepit convocari. Ea diversa fuisse veterum Scriptorum monumenta testantur. Pachomius Abbas tubæ sonitu congregari Monachos præcipit, sicut olim Moysi imperavit Deus Num. cap. 10. ut duas tubas argenteas faceret, quarum sonitu ad movenda castra, ad festa, ad sacrificia multitudine convocaretur. Cum audierit, inquit Pachomius regulæ sue cap. 3. vocem tubæ ad Collectam vocantis, statim egreditur. Climacus item at Gradu 19. signo sacra tubæ canente coactos Fratrum cœtus. Alii malleo utebantur, quo singulorum cellæ pulsabantur. Historia austriaca cap. 104. in vita Abbatis Adolii, Excitatorio malleo, inquit, pulsabat cellas omnium eos congregan ad oratoria. Cassianus libro 4. Institut. cap. 12. Cum sonitum pulsantis osium ac diversorum cellularum percipientis audierint, ad orationem eos seirent, seu ad opus aliquod invitantis, certamē e cubilibus suis unusquisque prorumpit. In Bethleemitico Monasterio hac voce Alleluja convocatas Moniales ad Collectam scribit Hieronymus epist. 27. Usi sunt etiam Græci lignorum percussione, quorum usum antiquissimum esse ex actis secundæ synodi Nicenæ constat. Ibi enim Act. 4. ex libro miraculorum S. Anastasii Martyris legitimus, quod cum ejus reliquiae Cæstareæ appropinquarent, cives omnes lætitia magna perfusi ligna sacra pulsantes obviam facti sunt. Eorundem frequens habetur mentio apud Græcos scriptores. Theodorus Petreorum Episcopis in vita S. Theodosii Archimandrita; Monachi ait, lignum pulsabit præter solitam prope modum horam. Nicephorus Blemides in vita S. Pauli Latrensis, Imperat ut ante tempus lignum congregans Monachos pulsatur, & sacra Mystagogia peragatur. Theodorus Studita in carminibus, Voluti tuba percutere lignum tempore suo ut opus est. Auctor vitæ S. Niconis cognomento Metarævitæ, Et ligni pulsatione omnes fratres convocat. Et tubæ quidem ac mallei usus ad sola Monasteria pertinuisse videtur, ligna autem ab omnibus Ecclesiis Orientalibus usurpara fuerunt, longoque spatio permansi eorum consuetudo, quia, ut paulo post videbimus, campanas serius receperunt. Nunc quoque Græci & aliae nationes sub tyrannico

Turearum imperio iisdem lignis utuntur, quæ à Græcis Semanteria, five Chirosemantra, quod manibus teneantur atque pulsentur, nuncupantur. Ea sic describit Leo Allatius in dissertatione de recentiorum Græcorum templis: Sacerdotes Græci ligneo instrumento ad Græcos in Ecclesiam convocandos utuntur. Id est lignum binarum decempedarum longitudine, duorum digitorum crassitudine, latitudine quatuor, quam optimè dedolatum, non fissum aut rimosum, quod manu sinistra medium tenet, sacerdos vel alius, dextra malleo ex eodem ligne cursim hinc inde transcurrente modo in unam partem, modo in alteram, propè vel eminis ab ipsa sinistra, ita lignum diverberat, ut istum nunc plenum, nunc gravem, nunc acutum nunc crebrum, nunc extensem edens, perfecta Musica scientia aribus suavissime moduletur. Hæc Allatius, qui aliud Semanterion esse ait insignis magnitudinis, adeò ut quandoque sex palmos latitudo, unum crassitudo, tringita longitudine exæqueret, quod in turribus catenis ferreis appenditur, & malleo pulsatur. Campanas verò usui Græcis esse cœpisse anno 865. refert Baronius ex historia Venetorum scriptoribus afferentibus Ursulum Patriacum Venetiarum Ducem primum omnium dono mississe duodecim mirifice artis & valde sonoras Michaëli Imperatori, qui eas in turri ad S. Sophiam extructa collocavit. Ad Orientalem igitur Ecclesiam delatae sunt saeculo nono, cum jam dudum in Occidentali receptæ fuissent. Sed à quo primum inventæ, cuiusque opera vel auctoritate in Ecclesiam introductæ sint, incomptum est.

III. Polydorus Virgilius lib. de Inventoribus rerum id Sabiniano Pontifici adscribit, qui Gregorio Magno succedit. De eodem Onuphrius Paninius in epitome summorum Pontificum sic scribit, Hic Papa Campanarum usum invenit, insitque ut ad horas canonicas, & Missarum sacrificia pulsarentur in Ecclesia. Sed Anastasius in ejus vita nihil de campanis ab eo inventis dicit, nec scio, à quo hoc didicerint Paninius, & Polydorus. Angelus Roccha in comment. de campanis cap. 1. à S. Hieronymo, qui ducentis circiter annis ante Sabinianum vixit, campanarum mentionem factam credit cap. 33. & 39. regulæ Monacharum, eisdem regulæ perperam Hieronymo tributæ falsa inscriptione deceptus. Tum ait, S. Paulinum Episcopum insuam Nolanam Ecclesiam primum omnium hunc usum invexisse. Consentunt passim recentiores, quod attinet ad Paulinum: & alii quidem ad inventas ab eo tradunt,

dunt, alii verò carum usum à gentilibus acceptum ad Ecclesiam ab eodem translatum autem, sive minora dumtaxat tintinnabula, quæ jam ubique in usu erant, Ecclesiæ tradiderit, sive ab his desumpta forma, majora confici curaverit. Nemo tamen veterum Patrum, qui res Paulini accuratissimè prosecuti sunt, hanc memorabilem ejus inventionem laudat, vel attingit; unde fit, ut huic assertioni ægrè assensum præbeam, quæ nullo legitimo teste munita est. Auget scrupulum ipsem Paulinus, qui epistola 12. ad Severum conditam a se Basilicam, & singulas ejus partes describens, nullam tamen campanarum sive turris campanariorum mentionem facit, cum alia nihil minus minoræ ædificia exactè commemoret. Agunt de campanis, earumque usu in Ecclesiis Alcuinus, Amalarius, Walfridus Strabo, qui Caroli Magni & Ludovici Pii temporibus claruerunt, quarto saeculo post Paulini decepsum, sed de Paulino silent, sicut & alii sequentium facultorum scriptores. Verba Strabonis omittenda non sunt. Ita enim loquitur cap. 5. rerum Ecclesiasticarum, *De vasis fusilibus vel etiam produktibus, quæ simpliciter signa vocantur, quia eorum sonoritate quibusdam pulsibus excitata significantur horæ, quibus in domo Dei statuta celebrantur officia: de his inquam hic dicendum videtur, quod eorum usus non adeò apud antiquos habitus proditur. Eorum usum primò apud Italos affirmant inventum. Vnde & à Campania, quæ est Italia Provincia, eadem vasa majora quidem campanæ dicuntur: minoræ vero quæ & sono tintinnabula vocantur, nolas appellantur Nola ejusdem civitate Campanie, ubi eadem vasa primisim commentata. Fortassis sciolus quispiam, cum hæc apud Strabonem legisset, de suo addidit Paulinum, qui Nola in Campania Episcopus fuit, campanas & nolas in Ecclesiam induxit, & hoc commento lequieris avi scriptoribus fucum fecit. Quisquis autem fuerit, qui hoc Paulino primus adscriptus, cautiùs processisset, si campanæ & nolæ vocabula Paulini saeculo & aliquot sequentibus inaudita fuisse considerasset. Res sane vetus est, sed vox recentior. Non me latet Quintilianum, qui sub Domitiano vivebat, nolæ meminisse lib. 8. institut. cap. ult. ubi inter enigmata recenseret, quod Cæcilius dixit de quadam muliere, eam fuisse in triclinio Coam, in cubiculo Nolam: at hic nola longè diversa significatione accipitur, conficta voce à nolendo sensu obsceneo, quem peritiores Grammatici explicant apud Voïsiū lib. 4. instit. Orator. cap. II. §. rejecta falsa Cœli Rhodigini & aliorum op-*

nione, qui ex usu sui temporis hanc vocem interpretati sunt.

**I V.** Porro Veteres pelvis, lebetis, æris, æramenti, codonis, & tintinnabuli vocibus usi sunt, donec nolæ & campanæ vocabula adinventa & communis quodam latine scribentium consensu approbata fuerunt. Tintinnabulum describit Plautus in Trinummo act. 4. sc. 2. his versibus:

Nunquam edepel temere timuit tintinnabulum;  
Nisi quis illud tractat aut movet, mutum est,  
tacet.

Plutarchus lib. 4. Symposiacon qu. 5. Helluones & obsonatores eos dici notat, qui in foro piscatorio versantur, & tintinnabulum, quod græcè *codon* dicitur, celeriter exaudiunt. Eo enim sonitu signum dabatur vendendi pisces: cuius rei jucundissimam narrat historiam Strabo Geographus lib. 14. cuiusdam Cithareædi, qui cum artem suam in Jasso insula ostentaret, quam primum tintinnabulum increpuit, illicò omnes eo relicto ad pisces dilapsi sunt, præter unum surdastrum, cui Cithareædi gratias egit, quod ceteris auditio tintinnabuli signo abeuntibus solus remansisset: At ille, Numquid, ait, jam sonuit tintinnabulum? & eo affirmante, ipse item surgens protinus dixit. Scribit etiam Porphyrius lib. 4. de abst. animalium, Samnæos, genus quoddam Philosophorum in India, ad codonis seu tintinnabuli sonum solitos congregari ad preces & ad cibum. Ulos quoque tintinnabulis Sacerdotes Proserpina refert Apollodorus lib. de Diis, idemque testatur de Sacerdotibus Syriæ Lucianus in dialogo de eadem. Idem agens de viris mercede conductis ait in dictiorum ædibus familiam & mercenarios ad opera olim excitatos tintinnabulis, quorum ingens sonus esset, ut ab omnibus posset audiri. Ab Augusto posita tintinnabula in fastigio ædis Jovis Capitolini, refert Suetonius. Tumulo quoque Porfena regis eadem appensa asserit Plinius lib. 36. cap. 13. quæ vento agitata longè sonum referabant. Nota est Juvenalis invectiva in verbosam mulierem sat. 6.

Verborum tanta cadit vis,  
Tot pariter pelves, & tintinnabula dicas  
Pulsaxi: jam nemo tubas atque æra fatiget,  
Vna laboranti poterit succurrere Lune.  
Notum est Martialis distichon lib. 14.  
Redde pilam, sonat es thermarum, ludere pergis?  
Virgine vis sola lotus abiit domum.  
Notus est denique usus tintinnabulorum in  
veteri testamento: Exodi 28. Ad pedes tunicae  
quasi

*quasi mala punica facies, mixta in medio tintinnabulis, ita ut tintinnabulum sit aureum.* Et Ecclesiastici 45. *Cinxit illum tintinnabulum aureis plurimi in gyro, dare sonitum in incepsu suo.* Ex his & aliis testimonii liquidò constat id quod supra diximus, campana & nolle vocabulum recentius, rem ipsam antiquissimam esse. Unde autem campanæ nomen derivatum sit, Grammatici inquirunt, & quasdam afferunt notationes, quæ plus argutiarum, quam veritatis habere noscuntur. Plerique à Campaniæ regione deducunt, vel quia ibi grandiores fieri coeperunt, vel quia primum in ea provincia repertæ sunt: sic vafa fictilia ab Horatio lib. 1. sat. 6. *campana supelles* dicuntur, quia in Campania ex luto & argilla pulcherrima fingeantur. Quare idem lib. 2. sat. 3. ait,

*Qui Vejent anum festis potare diebus  
Campana solitus trulla.*

Et Isidorus lib. 16. orig. cap. 24. *Campana*, inquit, à regione Italæ nomen accepit, ubi primitus ejus usus repertus est. Loquitur autem de trutina, que confitit scapo notis distincte ad librarium discrimina indicanda; nam subdit, *Hæc duas lances non habet, sed virga est signata libræ, & uncis, & vago pondere mensurata.* Potest quoque campana ex ære campano desumi, quod omnium præstansissimum esse assertit Plinius lib. 34. cap. 8. In reliquis palma Campano. Licet enim supra cap. 2. Corinthium cæteris præferre videatur, illud tamen non erat purum æs, sed commixtio omnium metallorum, ut ex eodem Plinio notat Isidorus lib. 16. orig. cap. 19. ubi etiam ait æs campanum utensilibus, & vasis omnibus probatissimum esse. Nec est improbabile campanæ nomen tunc tintinnabulis inditum cum ex ipso ære majora fieri coepissent: quo autem anno id contigerit, non liquet.

Hieronymus Magius cap. 2. libelli de Tintinnabulis, quem capta Cypro captivus & servus hominis Turcæ omnibus libris destitutus ex penitentiæ erga scelus scripsit, purat campanas tunc ecclesiarium turribus impositas, cum ethnicorum Principum odia adversus Christianos jam satis refixiscent. Ejusdem sententia Baronius est an. 58. licet fateatur incomptum esse annum, quo id primitus factum est. Mibi autem vero proprius videtur, statim ac redditio Christianis est pax, ad convocandum populum tintinnabula exhibita, primum minoræ, deinde grandiora: etenim ad idem munus coetum congregandi passum apud Ethonos in usu erant: multo-

que aptior ad multitudinem coadunandam campanarum sonitus est, quam strepitus lignorum, aut clangor tubarum, quia & longius diffunditur, & faciliter percipitur. Cum S. Benedictus circa annum 459. in specu Sublacensi monasticæ professionis fundamenta jaceret, Romanus monachus, à quo sanctæ conversationis habitum suscepit, panem ipsi portare certis diebus solebat, quem per funem in speluncam submittitbat. *Resistit autem*, inquit Gregorius lib. 2. dialog. cap. 1. *parvum tintinnabulum inservit, ut ad ejus sonum vir Dei cognoscere, quando sibi Romanus panem præberet.* Ex quo colligimus, tintinnabuli usum apud Monachos jam eo tempore percreuisse: nec dubito, quin de tintinnabulo idem Benedictus intelligi debeat, cum de significanda hora operis Dei agens in regula cap. 43. ait: *Ad horam divini officii, mox ut audiuit suavitatem signum, relatis omnibus summa cum festinatione curritur.* Nam veteres signi nomine campanam metonymicè intelligebant, quia per eam datur signum divini officii. Gregorius Turon. in vita S. Gregorii Lingonensis, *commotoque signo Sanctus Dicit ad officium dominicum conseruatur.* Idem in Nicetio Lugdunensi, quod Presbyter audiens jussit signum ad vigilias commoveri. Et lib. 3. histor. Franc. cap. 15. *Dum per plateam præterirent signum ad matutinum motum est.* Eulogius Martyr in Apologetico, per idem tempus graviter in nos præsidialis græssabatur infania, ita ut excolsa pistillaculorum prostrineret, que signorum gestamina eram ad conventum canonicum quotidianè Christi colis innundum. Quidam ex actis S. Lupi Senonensis Episcopi nomen campanæ receptionem credunt initio septimi Iulii, vel in fine sexti. In his enim hoc factum narratur. Clotharius Rex ubi camperit campanam S. Stephani sonum edere gratissimum, jussit eam Parisios transferri, ut ejus tintinnus sapienter delectaretur. Displuit ea res beato Episcopo. Itaque mox ut ablata est à Senonibus, omnem sonum gratiæ amissit. Id Rex intelligens oculis jubes suo illam loco restituiri. Vbi autem ad pontem Senonicum ventum est, redit illi pristinus sonus, & ob sancti viri merita septimo milliaro auditus est. Idem confirmari potest ex Audeno Rothomagensi in vita S. Eligii apud Surium lib. 2. cap. 21. his verbis: *Cum aliquando visitaret diocesim suam, ut solent Episcopi, quadam ex causa interdixit, ne cuiuslibet id est preces canonicae & sacrificium celebrarentur in Basilica quadam, donec ipse juberet.* Erat illico Presbyter quidam sibi male concius, ob cuius culpam id fecerat beatus Episcopus. *Is parvipendens ejus sententiam, cum procul*

procum ilum recessit; se arbitraretur, campanam horam statuta ut in moris erat pulsare ceperit. Sed ut ejus temperitas reprimetur, campana rationis expensis. Beato viro obtemperans nullum sanum reddidit. Persestit ille trahendo restim campanae, sed sonum exprimere non potuit.

Verum in his testimoniosis ex actis sanctorum Lupi & Eligii advertendum est, in primis Scriptoribus nomen campana non reperiiri sed a Laurentio Surio, qui priscas loquendi formulas recentioribus commutavit, contra fidem veterum Codicum substitutum fuisse, non sine gravi dispendio sacre & profane eruditio. Puram Eligii vitam, quam scripsit Audoenus, edidit tomo V. sui Spicilegii Lucas Dacherius, cuius in veterum scriptis ab interitu vindicandis summanam diligentiam & accutissimum judicium omnis posteritas collaudabit. Prænarrata igitur historiam sic proprio sermone scribit Audoenus. *Alio tempore cum Diæcœses suas, ut episcopis mos est, visitaret; extitit quædam certa causa, ut in una Basiliæ interdiceret cursum vel oblationem, quousque ipse jubaret, celebrari. Erat autem illuc Presbyter quidam mala conscientia saucius, cuius videlicet ob culpam excommunicatio processerat, qui Episcopi jussis minùs obtemperandum credens, verbaque ejus leviter valde ferens, cum longius eum a loco illo abiisse estimaret, mox signum Ecclesiæ statuta hora, sicut mos erat, pulsare ceperit. Tunc ad confutandam humanam præsumptionem, magis insensibilis quam rationabilis creatura verbis Episcopi parentes, veluti sibi interditio silentio nullum ad pulsantis nisum signum reddidit sonum. Deinde Presbyter diuinus funem terebrans, cum cerneret tintulum omnino permanere mutum, egressus protinus Basiliæ causam eundem manifestat. Tum illum referit poenitentiam egisse, & loco ab Eligio reconciliato, mox signo iacto sonus pristinus redit in tintinnabulum.* In his autem appetit, Audoenum signi & tintinnabuli vocabulo, non campanæ usum esse. Beda tamen qui sexaginta circiter annis post Audoenum floruit lib. 4. hist. cap. 23. describens obitum Hilda Abbatissæ auditum ait à quadam Moniali notum campanum sonum, quo ad orationes excitari vel convocari solebant. Eadem voce utuntur paucim octavi, noni, & sequentium saeculorum scriptores, ex quo conjicio nomen campanæ grandioribus tintinnabulis impositum circa finem septimi saeculi, & octavo, ac nono apud omnes diffusum esse. Anastasius in vita Leonis IV. Fecit in Ecclesia S. Andreae campanile, & posuit campanam cum malleo arco & cruce excavato. Monachus Sangallensis in lib. de ecclesiastica cura Caroli Ma-

gni cap. 31. narrat tempore ejusdem Caroli vixisse opificem in omni opere artis excellentissimum, qui optimam campanam, seu campanum, ut ille loquitur, conflavit, cuius sonitum cum Imperator miraretur, promisit artifex, se multo præstantius conflaturum si pro stanno centum libras argenti illi daret. Accepto autem argento vir nequam stannum pro argento posuit, & campanam brevi tempore perfecit, qua cum Regi placuisse immisso ferro pulsatorio justit in campanario suspendi. Cumque custos ecclesie & reliqui Capellani eam movere ad sonitum niterentur, nec possent, indignatus auctor operis apprehenso fune pertraxit æramentum, & ecce ferrum elapsum in verticem ipsius decidit, & occidit. Argentum vero repertum jussit Carolus inter Palatinos gentes distribui. Alia ejusdem temporis testimonia frustra congererem, nam post Carolum Magnum omnes ferè scriptores voce campanæ vel signi indiscriminatim usi sunt. Secundo item octavo barbara vox Cloccæ audiri coepit. Ea utitur S. Bonifacius episcopus Moguntinus & martyr epist. 9. rogans Huetbertum Abbatem, ut unam sibi cloccam transmittat. Et Gutbertus ad Lullum episcopum epist. 89. inter reliquias ejusdem Bonifacii, Cloccam, inquit, qualē ad manum habui tue paternitati mittere curavimus. Rudolphus quoque in vita S. Liobæ Abbatissæ, Mater eius, ait, vidi personum se quasi signum ecclesiæ, quod vulgo cloccam vocant, in sinu suo habere, idque immissa manu tinniens extrahere.

VII. Signum vero sive campanam pulsare pertinebat antiquitus ad Sacerdotes, & S. Benedictus in regula cap. 47. hoc munus Abbatii impunit, ut ipse horam operis Dei diu noctuque nuntiet, aut tali sollicito fratri injungat hanc eum, ut omnia horis competentibus compleantur. Amalarius lib. 3. cap. 1. hoc officium non esse à Presbytero subterfugiendum ait: & in Capitul. Caroli Magni lib. 6. cap. 168. statuitur, ut Sacerdotes signa tangant horis canonicas. Idcirque Ordo Romanus & antiqua Ritualia, itemque concilium quartum Carthaginense materiam Ostiariatus in sola clavium traditione constituerunt, nulla habita mentione pulsationis campanæ, quia hoc ad ejus officium non pertinebat. Sic olim precepit Deus, ut filii Aaron sacerdotales tubis clangerent ad convocandam multitudinem: qui ritus ad novi Testamenti sacerdotes transivit, & in Ecclesia diu permanuit. At hodie officium Ostiarii est, quem decet superpelliceo indutum esse, dum signa pulsat, quia munus sui ordinis exercet. Nec sine ratione Ma-

ores nostri decreverunt à Deo sacratis viris signati, quia & sacra res est fidelem populum ad divinum officium, ad Missam, ad communionem; ad audiendum verbum Dei coadunare: & ipsæ campanæ episcopali benedictione, sancti que olei unctione consecratae sunt, & inter sacra ecclesiæ vasā connumerantur. Et usum quidem benedicendi campanas scribit Baronius à Joanne XIII. traxisse originem, qui anno 968. campanam Lateranensem mira magnitudinis, antequam super campanile elevaretur, sacris ritibus Deo consecravit, atque Joannis nomine nuncupavit, *quiritus*, inquit, *in ecclesia perseveravit*. Sed multè antiquorem esse ex ritualibus libris integro saeculo ante Joannem XII. conscriptis palam fit, in quibus formula benedicendi & unguendi campanas reperitur, hoc præfixo titulo, *Ad signum Ecclesiæ benedicendum*, ut eruditissimus Menardus testatur in notis ad lib. Sacrament. pag. 207. ex Codice Rhemenſi tempore Caroli Magni exarato. In ipſa verò consecratione nomine alicuius Sancti campana insignitur, sive ut à ceteris proprio veluti nomine distinguitur; sive quia ad pietatem magis conducere arbitrati sunt primi hujus ritus institutores, si vocē alicuius Sancti plebs ad Ecclesiā convocari dicetur. Quod autem spectat ad usum campanarum, memini me legiſſe apud quosdam Juris canonici Interpretes, non licere Religiosis plures campanas habere, sed unam dumtaxat, sicut Joannis XXII. in constitutione, quam vocant extravagantem, *cap. unico, de officio Custodis*. Atqui ea constitutio de solis Mendicantibus loquitur, eis que mandat ne plures campanas habeant sine licentia Apostolicæ sedis, propter lites inter ipsis & cathedrales Ecclesiæ hac de causa exortas: at ubi plures sine contradictione posseidebant, illis deinceps liberè uti permisit. De Monachis nihil decernit, imò Zacharias Papa, & Callixtus II. Caslinensibus concesserunt quandcumque vellet, etiam in civitatibus signa pulsare, ut patet ex eorum Bullario *constit. 4. & 11.* & hoc quoque pro Monachis Angelis statuisse Callixtum narrat in suis Chronicis Gul. Thorne an. 1085. Favent prisca Monachorum Ritualia, quæ diebus festis omnia signa pulsari mandant, & hanc pulsationem *classicum* vocant. Templariis autem, Hospitalariis, & aliis habentibus in suis domibus oratoria, *C. patentibus de privilegiis, campanarum usus à Celestino III. vetitus fuit.*

## C A P U T X X I I I .

*Qualis debeat esse panis qui offertur & consecratur in Missa. Que gentes azymo, qua fermentatio utatur. Discutitur de hoc controversia inter Gracos & Latinoꝝ. Quibus argumentis & conjecturis probari possit utramque Ecclesiā per multa secula in fermentato sacrificasse. De more offrendi panem & vinum. Quid sit fermentum quod olim Pontifices ad Ecclesiā Vrbis mittebant. Missam antiquitus Eucharistiam, necnon & panem communionem in signum communionis. De forma seu figura panis consecrandi. Quo tempore & qua occasione panis azymus introductus. Hostiarum quibus hodie utimur origo. Quo studio olim factæ. Duplex panis & vini preparatio. Adiutoria quædam de Eulogio.*

I. **C**um Sacramentum Eucharistiae, quod singulari prærogativa & sacramentum est & sacrificium, ex pane & vino constet, nulla unquam de vino inter Catholicos quæſio fuit; omnes enim vini nomine audito, illud statim mente concipiunt, quod ab uvis exprimitur, & hominibus in potum exhibetur. De pane vero inter Orientales, & Occidentales acerrimæ motæ sunt lites: nam Orientales fermentato utuntur, & hunc solum legitimam esse materiam hujus Sacramenti affirmant; Occidentales autem in azymis conficiunt, utentes tamen fermentato non dominant. Adhærent Latinis in usu Azymorum Maroniti & Armenii, sed quo tempore his uti eceperint præter morem ceterorum Orientalium, difficile est invenire. Ajunt Maroniti antiquissimam esse in suis Ecclesiis hanc consuetudinem, sed ejus initium designare non possunt. Morinus in præfatione ordinationis Maronitarum p. 383. ad probandam hujus ritus antiquitatem ex Davide illarum gentium Archiepiscopo, qui vivebat anno Domini 1053. testimonium affert excerptum ex notis Abrahami Ecchellensis ad catalogum librorum Chaldaicorum cap. 144. editionis Romanae; sed nihil ex eo concluditur, nam David ibi citatus hoc solum refert, Christum in pane azymo sacramentum instituisse. De Armeniis diversæ sententiae sunt. quidam enim ajunt Magnum Gre-